

<><><><><><>

### Headlines

- प्रधानमंत्री नरेंद्र मोदी होरें पी.एम किसान योजना दी 21मी किश्त जारी कीती, 9 करोड़ करसानें गी 18 ज्हार करोड़ रपे दी रकम बंढी गई।
- मुख्मन्त्री उमर अब्दुल्ला होरें कुलगाम च जम्मू-कश्मीर क्षेत्रीय बपार मेले दा उद्घाटन कीता, मिशन युवा तैहत हासल प्रगति गी उजागर कीता।
- आई.जी.पी जम्मू भीम सेना टूटी होरें सरहदी जिले पुंछा दा दौरा लाया, सुरक्षा, अपराध, कनून बवस्था ते कारवाइएं सरबन्धी तैयारिएं दी समीक्षा कीती।
- जम्मू-कश्मीर नै विरासती यात्रा कन्नै विश्व विरासती हफ्ते दी शुरूआत कीती, दौनें प्रांतें च केई सांस्कृतिक कार्यक्रमें दा बी आयोजन।
- ते रणजी ट्राफी च भारत नै हैदराबाद गी 281 रन्जें कन्नै हराया, आबिद मुश्ताक नै 7 विकेटां लेइयै शानदार प्रदर्शन कीता।

<><><><><><>

### PM-Kissan

प्रधानमंत्री नरेंद्र मोदी होरें अज्ज तमिलनाडू दे कोइम्बटूर थमां पी.एम किसान स्कीम तैहत 21मीं किश्त जारी कीती। मुख्मन्त्री भरै दे 9 करोड़ करसानें आस्तै 18 ज्हार करोड़ रपे थमां मती दी राशि जारी कीती गई। प्रधानमंत्री नरेंद्र मोदी होरें अज्ज कोइम्बटूर च कुदरती राई-बाई सरबन्धी साउथ इंडिया नैचुरल फार्मिंग समिट च हिस्सा लैता। इस मौके पर बोलदे होई प्रधानमंत्री होरें आखेआ जे पिछले 11 बरें च राईबाई आहले क्षेत्र च बड्डे पैमाने पर बदलाव होए न। उनें आखेआ जे मुख्मन्त्री कुदरती राईबाई च वैश्विक केंद्र दे तौर पर उभरा'रदा ऐ ते एहदी जैव विविधता नमा आकार लै'रदी ऐ। उनें आखेआ

तोआई, कृषि विज्ञान केंद्र साम्बा आसेआ पी.एम किसान दी 21मीं किश्त जारी करने आहले कार्यक्रम दा लाइव प्रसारण दा सरिस्ता कीता गेआ। एहदे च 250 प्रतिभागिएं जिंदे च प्रगतिशील करसान ते महिलां शामिल हियां, ने हिस्सा लैता। कृषि विज्ञान केंद्र साम्बा दे मुख्मन्त्री साईसदान ते प्रमुख डॉ. संजय खजुरिया होरें खुम्बें ते डेयरी सरबन्धी उद्यमें लेई जत्तें गी उजागर कीता ते बेहतरीन कम्म करने आहले करसानें गी सम्मानित बी कीता।

<><><><><><>

### CM-Kulgam

मुख्यमंत्री उमर अब्दुल्ला होरें अज्ज कुलगाम च जम्मू-कश्मीर क्षेत्रीय बपार मेले दा उद्घाटन कीता जेह्दे च जिले च मिशन युवा तैहत उद्यमता दे क्षेत्र च बदधी लोकप्रियता गी उजागर कीता जा'रदा ऐ। मेले दे मुख आकर्षण मकामी उपक्रम, उन्दे बजारै तगर पुज्ज ते पंछान ते दिल बधाने आहिलियां केई दिलचस्प ते कामयाबी दियां कहानियां शामिल न जिनेंगी दिक्खियै होरनें नौजवानें गी उद्यमता दे क्षेत्र च अगगे औने दी प्रेरणा हासल होंदी ऐ। इस मौके पर मुख्यमंत्री होरें आखेआ जे पिछले छडे 5एं महीने दरान नमें उद्यम लाने सरबन्धी 30 ज्हार प्रोजेक्ट रिपोर्टें गी मंजूरी दिती गई ऐ ते 9 ज्हार मामलें गी बैंकें थमां बी मंजूरी थोई गई जिदे तैहत 400 करोड़ रपे दी रकम युवा उद्यमिणं च उपलब्ध बी कराई दिती गई ऐ। उनें आखेआ जे मंजूर मामलें ते बैंकें थमां मंजूरी बश्कार बिथ्य गी तौले पुरने दी लोड़ ऐ। उनें समूलचे जम्मू-कश्मीर च उद्यमता गी बढ़ावा देने च सरकार दी तरफा सहयोग ते समर्थन देने दे धेइये गी फही पक्का कीता ते आखेआ

<><><><><><>

### IGP-Poonch

जम्मू जोन दे आई.जी.पी भीम सेन टूटी होरें अज्ज पुंछ जिले दा दौरा लाया जिस दरान उनें इक उच्चि सतह दी बैठक दी अध्यक्षता करदे होई इलाके च पूरे-पराते सुरक्षा हालात, अपराधें दी स्थिति दे कन्नो-कन्नी पुलिस ते होरनें सरबन्धी तैयारिणं दी बी समीक्षा कीती। बैठक दरान आई.जी.पी होरें जोर देइयै आखेआ कि नियंत्रण रेखा कन्नै लगदे इस संवेदनशील जिले च रमानदारी ते सुरक्षा गी यकीनी बनाने लेई निगरान सरिस्ते गी निगगर बनाने, इलाके च बर्चस्व बनाने ते सुरक्षा एजेंसिणं बश्कार आपूं च नेड़मा तालमेल ते सहयोग बनाई रखना बड़ा जरूरी ऐ। उनें आतंकवाद रोधी कारवाइणं, बन्ने पारा चुनौतिणं ते आपात स्थिति दरान कारवाइणं गितै तैयारिणं दा बी जायजा लैता। आई.जी.पी होरें कनून बवस्था बनाए रखने लेई सतर्कता ते पेशेवराना रौऽ अपनाइयै कम्म करने पर बी जोर दिता।

<><><><><><>

### Army-Camp

सेना आसेआ कमांड अस्पताल नादर्न कमांड दे सहयोग कन्नै अज्जै थमां 22 नवंबर तगर डोडा, किशतवाड़, राजौरी ते पुंछ च शिविरें दा आयोजन कीता जा'रदा ऐ। इस दरान अक्खियें दी दिक्खभाल लेई मुफ्त सेवा ते मोतियाबिंद दा आपरेशन आहली सेवा साबका फौजिणं, उन्दे आश्रितें, मौजूदा कर्मचारिणं ते नागरिकें गी उपलब्ध होग। केंद्री मंत्री डॉ. जितेंद्र सिंह होर इनें कैपें चा इक दा कल दौरा करडन। आकाशवाणी समाचार कन्नै गल्ल करदे होई उधमपुर दे इक लाभर्थी नै समेंसिर मैडिकल मदद लेई आभार जताया ते बन्ने आहले ते पछेत्रे दे इलाकें च सेहत सरबन्धी दिक्खभाल उपलब्ध करोआने लेई सेना दी सिफत कीती। उनें आखेआ

<><><><><><>

### World Heritage Walk

पुरातत्व ते अजैबघर सरबन्धी जम्मू-कश्मीर मैहकमे आसेआ अज्ज विश्व विरासती सप्ताह दे सिलसिले च कला केंद्र जम्मू आसेआ स्कूली बच्चें आसेआ हैरीटेज वॉक दा आयोजन होआ। एहू हैरीटेज वॉक कला केंद्र थमां अभिनव थियेटर तगर होई। प्रिंसीपल सचिव ब्रिज मोहन शर्मा होरें 25 नवंबर तगर चलने आहले कार्यक्रमें दी घोशणा

कीती। महिलाएं दी अगुवाई च इक हैरीटेज बाइक राइड दा जम्मू थमां साम्बा तगर कल सरिस्ता कीता जाहग। साबका फौजिएं लेई सांस्कृतिक कार्यक्रम बी आयोजित होइन। आकाशवाणी समाचार कन्नै गल्ल करदे होई प्रिंसीपल सचिव ब्रिज शर्मा होरें आखेआ

<><><><><><>

### Painting Camp Poonch

भारती सेना आसेआ पुंछ दे स्कूली बच्चें लेई इक चित्रकारी प्रतियोगिता दा सरिस्ता कीता गेआ। एहदे च कई सारे स्कूलें दे बच्चें हिस्सा लैता। एहदा मकसद बच्चें दी कला प्रति रूचि गी बदाना ते उंदे हुनर च निखार आहनना हा। अध्यापकें ते अधिकारिएं बच्चें दी सोचने-समझने दी शक्ति दी सिफत कीती। अपने अनुभव सांझा करदे होई किश विद्यार्थिएं आखेआ

<><><><><><>

### JK-Ranji Trophy

रणजी ट्रॉफी दे इक मैच दे अखीरी रोज जम्मू-कश्मीर दी टीम नै हैदराबाद पर 281 रन्ज दी जित्त दर्ज कीती ऐ। इस जित्त दा श्रेय जम्मू-कश्मीर दी टीम दी जबरदस्त गेंदबाजी, सराहनेजोग मिडल ऑर्डर दी बल्लेबाजी ते मैच दे चौनें दिन टीम आसेआ बनाई रक्खे दे दबदबे गी जंदा ऐ कीजे जम्मू-कश्मीर दी टीम अपने शानदार प्रदर्शन कन्नै शुरू थमां गै हैदराबाद पर हावी रेही। स्पिन गेंदबाज आबिद मुश्ताक दा प्रदर्शन सराहनेजाग हा ते ओह छड़े 68 रन्ज पर हैदराबाद दे 7 खडारिएं गी आउट करियै मैच दे स्टार परमार्मन साबत होए। इस शानदार जित्त कन्नै इलीट गुप डी च जम्मू-कश्मीर दी स्थिति काफी निगार बनी गई ऐ ते 2025-26 दी रणजी ट्रॉफी दे पैहले गेड़ दे खत्म होने पर ओह दुए नम्बरै पर ऐ।

<><><><><><>

### Para Swimming Jammu

जम्मू दे पैरा एथलीट चंदीप सिंह होरें हैदराबाद च आयोजित पैरा तैराकी दी 25मीं राश्ट्री चैंपियनशिप च कैह दे द'ऊं तगमे हासिल करियै खित्ते दा नांS कीता ऐ। इस चैंपियनशिपि च मुख्य भरै थमां नामवर तैराक आए दे हे जिंदे च चंदीप सिंह दा प्रदर्शन सराहनेजोग रेहा। युवा सेवाएं ते खेड्डें सरबन्धी मैहकमे दिएं कमिशनर सैकरेटरी यशा मुदगल ते जम्मू-कश्मीर खेड्डू परिषद दिएं सचिव नुजहत गुल होरें चंदीप सिंह गी इस उपलब्धि पर ममारकबाद दिंदे होई आखेआ जे उंदी कामयाबी जम्मू-कश्मीर च होरनें पैरा खडारिएं लेई प्रेरणा साबत होग। उनें इस मौके पर शीतल देवी, आमिर भट्ट दिएं हाल दिएं उपलब्धिएं दा बी जिक्र कीता ते समूलचे जम्मू-कश्मीर च पैरा एथलीटें गी अगड़े बधने लेई प्रशासन दे धेइये गी फही पक्का कीता।

<><><><><><>